





奏為四川吏治營務廢弛已極謹將訪聞大畧情

形據實陳奏仰祈



鑒事竊惟吏治之臧否兵氣之強弱即地方治亂

所由分土匪之興必非一朝一夕之故果使文武官員俱能實心任事一邑之內情形自易周知亂之方萌一州縣了之而有餘亂之初生一營汎制之而亦無不足故剿辦賊匪為治標之計而澄清吏治整頓營務實為治本之圖臣聞四川官場賄賂公行已成積習自前任學政何紹基奏後此風仍未少息明目張胆視肥瘠

駱文忠公奏稿卷一

一

為重輕挾制上司毫無忌憚如布政使祥奎之聲名狼籍亦竟習慣不怪視若故常濡染既深凡屬中材皆將轉移於不覺乃至督臣劾一貪鄙惡劣為人控告之知府而即被反噬其平日之犯上無等可想而知夫大僚者屬員之表率守令者百姓所依歸各懷罔利之心無復相維之誼民何由而治亂何由而不生耶至四川兵勇向稱勁旅近則多以游民充數甚且濫收囑匪兵賊不分以致官兵舉動計甫定而賊已詳知而賊之踪跡官兵轉毫無聞見往往賊竄數

日尙茫然莫測其去向一經遇賊前隊接仗後
隊已逃坐使逆焰鴟張幾成燎原之勢蕭啟江
八川後屢次稟請與川兵分路剿辦臣始以遠
道赴援不可自分主客迨細加訪問乃知金川
屯練曾爲兵勇所誤多所損傷楚師察得其情
故不欲輕與之合吏治如彼營務如此若不早
加整飭日復一日更不知若何情形臣奉

命督辦軍務本無察吏之責第念戡亂必清其源吏
治不修則亂源不塞卽使剿辦得手仍慮旋滅
旋生可否

駱文忠公奏稿卷一

二

勅下署四川督臣確切查明擇尤舉劾以示勸懲如
能力改前非幡然易轍既往之事自可不必苛
求嚴定考課之方予以自新之路或能挽迴積
弊補救將來其營伍事宜疲敝已久更張太驟
轉恐把持勾結辦理爲難容臣八川後留心察
訪與署督臣會商分別賞罰再當隨時奏明臣
負性迂直蒙

皇上高厚深恩伏見

聖主眷念蜀疆時厯宵旰而該省吏治營務積弊相
沿完善之區豈堪任其敗壞臣若知而不言見

好寅僚何以上對

君父用是不揣冒昧謹將訪聞大畧情形據實瀝陳
伏乞

聖鑒訓示謹

奏

十年八月初七日奉

硃批知道了欽此

奏爲遵

旨督辦四川軍務現在籌調湖南湖北兵勇恭摺具

奏仰祈

聖鑒事竊臣於七月初八日承准軍機大臣字寄六月二十七日奉

上諭湖南地方尙稱安靜著駱秉章卽馳赴四川督辦軍務該撫於湖南紳士素爲熟悉擇其曉暢軍務者酌量帶往並添募湖南練勇以資剿辦湖北軍營中曾經戰陣得力之員籍隸湖南者亦不乏人著官文胡林翼酌派數員交駱秉章差委石達

駱文忠公奏稿卷一

四

開窺伺川疆滇匪尙未撲滅其勢岌岌可虞東純現署川督未諳軍旅該撫卽迅速起程由便道入川勿稍延誤蕭啟江所帶之勇據官文等奏已咨令都司彭忠信候選同知直隸州王沐分起管帶此項勇丁及川省兵勇均歸該撫調遣以冀迅掃賊氛駱秉章出省後湖南巡撫著文格暫行署理欽此

伏念臣迂疏慙直本無濟變之才頻年辦理湖南防剿仰賴

聖慈指授方畧得所遵循地方官紳亦尙能共諒臣

心相助爲理幸免貽誤茲復欽奉

恩旨命臣督辦四川軍務任重才幹深懼弗克勝任查四川北連秦隴東接荆湖土地沃饒物產繁庶而五方雜處人心易於浮動自藍李二逆勾結擄亂土匪乘機附和所在蔓延向來四川兵勇號稱精悍近則軍政日弛營務遠不如前楚省援師剿辦雖尙得手而主將新易資望較淺心志究未甚交孚臣此次入川應遵

旨於湖南湖北兩省酌調數營以資差遣查按察使

銜道員劉嶽昭會隨蕭啟江援剿江西最爲得

力與蕭啟江所部營官亦相聯絡現因石逆分股由懷遠永甯竄逼楚疆業飭該員移駐東安新甯一帶扼要堵禦西路稍鬆卽當調赴四川或可分統蕭啟江舊部以收指臂之助又知府黃涪熙忠勇奮發臣所深知現駐綏甯通道邊界防堵粵匪臣已飭令酌察情形如楚邊安靜四川軍務緊要卽取道沅州直趨西秀前進此兩軍皆結實可靠容臣酌量調往臣復委革職叅將侯光裕都司周正義各募勇六百人藍翎從九卜宗銓訓導劉琰各募勇五百人又總兵

銜副將朱品文副將劉長槐卽補叅將于高勝
上年由湖南派往湖北隨同剿賊茲值南省邊
患未紓臣又須帶勇入蜀已咨商湖廣督臣官
文湖北撫臣胡林翼仍令該副將等回南或隨
同八川或接防西路再由臣酌量辦理昨准貴
州撫臣劉源灝咨稱由粵入黔之賊查無石逆
在內且已竄至黔省下游距蜀境甚遠此時四
川事勢尙緩臣俟兵勇調齊卽便起程赴蜀以
冀保完善而紓

聖厘所有奉

駱文忠公奏稿卷一

六

旨督辦四川軍務現在籌調湖南湖北兵勇緣由理
合恭摺由駙具

奏伏乞

聖鑒訓示施行謹 奏

奏爲兩粵股匪同時竄逼楚境現在籌辦防剿並
臣料理八川情形恭摺奏祈

聖鑒事竊兩粵賊氛未靖楚邊處處宜防屢經

臣奏

明在案查粵東賊目周春粵西賊目曹偉人等
均係石逆夥黨兼聞逆目賴裕新亦與曹偉人
會合踪跡詭幻出沒無常屢據盤獲賊探供詞
或稱圖竄湖南或稱欲由湖南竄往江西大抵
該逆垂涎湖南已非一日因各路防堵尙尙嚴
密故但思取道邊界以爲竄江之謀若湖南備
禦稍疎卽難保不伺間以逞使湖南有事從征

駱文忠公奏稿卷一

七

兵勇均有室家之念無以安各省楚軍之心儻
江西被擾則皖浙皆驚亦恐掣東征大局之肘

臣前因張運蘭一軍調赴皖南卽飭同知楊安
臣副將朱升開叅將張義貴革職叅將彭定太
趕緊添募勇丁分赴桂陽宜章扼要設守節據
探報樂昌仁化兩城俱爲賊踞樂昌一股有併
趨仁化之說復飭同知魏喻義自臨武移駐宜
桂交界地方聯絡布置七月十九二十兩日樂
昌股匪傾巢從廊田越松子嶺直撲坪塘營盤
張義貴與副將朱升開主簿楊雲岑合力逆擊

先後斃賊千餘名生擒長髮老賊二十餘名奪
獲器械無數該逆屢敗之餘仍誓欲拚死竄越
二十一日添調仁化賊黨萬餘人以一枝復窺
坪塘而另遣巨股分路繞出界頭松子嶺徑趨
延壽墟意圖掩襲官軍之後楊安臣先調主簿
楊雋率陽右營自九峯回援坪塘行抵延壽賊
眾已由簡公橋竄出當卽排隊迎敵叅將楊虎
臣督後隊及團勇繼進賊勢不支追奔十餘里
始行收隊其窺伺坪塘之賊亦經張義貴朱升
開楊雲岑等擊退賊知坪塘與桂陽聲勢聯絡

兵力較厚惟延壽相踞既遠又止陽右營五百
餘人駐紮遂於二十二日悉銳來犯楊雋與楊
烟畱堅壁堵禦相持三時偵賊將繞由營後北
竄遂開壁分兩路衝出賊潰而奔轉戰至東茅
港楊雋首先登壘立將賊巢焚燬斃賊無數正
追殺間忽麻坑伏賊從左右抄來黃茅港敗匪
亦回旗猛撲楊雋力戰羣賊身被十三創以眾
寡不敵與藍翎把總賀楚南及勇目馮忠武等
同時陣亡賊乘勢大至進圍營壘楊虎臣督率
弁勇憑壕固守魏喻義援師旋於二十三日趕

到內外夾擊賊勢不支退竄九峯屯踞臣先已
飭彭定太由文明九峯一帶前進與楊安臣等
會合迨彭定太軍抵豹嶺魏喻義等營已陸續
進逼賊巢該逆於初一日五鼓竄撲茶寮魏喻
義謀知賊情料其必出沙塘卽密飭所部乘夜
馳往五山設伏以待黎明時大霧彌漫賊黨傾
巢而至各勇先以鎗礮排列隘口伺賊過半突
起轟放賊前後失措駭愕狂奔轟斃殺斃及自
相殘踏死者不可勝計餘賊向仁化大路竄去
計半月之中逆賊連次犯界均經我師截擊未

令竄越惟仁化壤接江楚賊踪相距非遠邊防
仍不可稍鬆而粵西石逆分股之竄擾融縣懷
遠者始於斗江搭造浮橋圖窺通道經叅將江
忠朝擊却復連擾義甯永甯靈川興安灌陽恭
城沿途裹脅勢甚猖獗且踪跡飄忽宜在乘虛
臣從前奏明令黃澗熙防堵城步令劉嶽昭由
東安赴新甯原期厚集兵力迅將此股掃蕩庶
楚邊撤防得力兵勇可以抽調卽各將士亦可
安心遠征今賊勢漸移而東已於八月初七日
闌入永明縣境距縣城僅止五里雖經周達武

王永章合力擊退然賊鋒尙未大挫若令越過
永明卽慮蔓延爲害臣已飛飭劉嶽昭折回永
州暫統南路諸軍通籌防剿并飭黃澗熙移駐
東安江忠朝回駐新甯如機有可乘卽便分道
齊出併力剿辦毋使游氛假息復爲楚粵之患
此現在籌防粵東粵西竄賊之實在情形也臣
欽奉

諭旨飭令催齊兵勇迅速入川以清蜀境應卽刻日
料理起程惟探聞川東各屬時有賊踪往來臣

一八川境卽當順道剿辦必須調派勁勇同行

駱文忠公奏稿卷一

十

而劉嶽昭黃澗熙所帶兵勇現皆駐守要地湖
南邊防喫重永道各州縣人心皇皇未便遽將
重兵調開前所調劉長槐於高勝朱品文三營
又以皖北軍務正當緊要僅准將朱品文一營
派遣回南尙未據報行抵何處節經飛催劉嶽
昭黃澗熙妥速布置但使兩軍中有一軍可以
勉強抽調臣卽督帶入蜀以冀仰紓

聖主西顧之憂所有湖南防剿兩粵股匪及籌畫八
川緣由理合恭摺由駟具奏伏乞

聖鑒訓示施行謹

奏

駱文忠公奏稿卷

十二

奏爲恭報

微臣

交卸日期并料理八川情形仰祈

聖鑒事竊

臣前奉

諭旨督辦四川軍務會將酌帶兵勇及俟邊防稍紓相機抽調緣由先後奏明在案嗣據探報粵西由永明分擾道州江華等處股匪經周達武等會合江道兩屬團練沿途截擊分別剿掃全股肅清臣卽飛調黃淳熙一軍馳回省城以便督帶赴蜀九月初二日承准軍機大臣字寄八月十八日奉

上諭四川賊勢鴟張若再曠日持久誠恐滋蔓難圖

駱文忠公奏稿卷一

三

且蕭啟江所部楚勇甚爲得力惟王沐官職較卑未能駕馭亟須大員統帶着駱秉章仍遵前旨帶領得力員弁勇丁迅速赴川以期力保完善之區等因欽此四川軍務久繫

聖厯

臣奉

命督師應卽星馳前進查南路邊界業經解嚴復飛飭劉嶽昭率所部由永州取道寶慶至常德候調一面飭局趕籌口糧發給各營俾得早辦行裝

臣於九月十八日遵

旨將巡撫篆務移交翟誥署理以便束裝就道除起

程日期另摺奏報外所有微臣交卸撫篆料理

八川緣由理合恭摺由駟具

奏伏乞

聖鑒訓示施行謹

奏

駱文忠公奏稿卷一

十三

再臣所帶八川兵勇前經奏明籌調劉嶽昭黃
澶熙卜宗銓劉璈侯光裕周正義等營合計一
萬餘人適准江西撫臣毓科咨稱徽甯失守賊
勢披猖請飭黃澶熙一軍趕赴饒州協防以支
危局等情查逆賊由皖南窺伺江楚蓄謀已久
協防之舉關繫三省安危亟應趕緊籌辦黃澶
熙所部已據報行抵祁陽不日可以到省俟該
員到後審察情形酌量調派再行奏聞至軍行
以糧食爲重湖南籌餉拮据情形久邀

聖明洞鑒

臣

所帶兵勇清理積欠發給行糧已屬萬

分謁蹶一八川境卽應由川省接濟合無仰懇
天恩敕下署四川督臣飭局於夔州所屬擇要設立
糧台俾臣抵川後得以就近支應庶士卒不至
飢疲戰陣可期踴躍謹附片陳明伏乞

聖鑒施行謹

奏

再湖南紳士同知銜候選知縣劉蓉前奉

旨飭令募勇六千人馳赴江浙皖南援剿時值兩江

督臣曾國藩與署湖北撫臣胡林翼候補四品

京堂左宗棠俱來湖南募勇不獨營哨各官一

時乏信心可恃之選卽勇丁應募者亦屬寥寥

適臣欽奉

諭旨督辦四川軍務并合於湖南紳士擇其曉暢軍

務者酌量帶往劉蓉質樸沈毅臣所素知已調

其隨同入川襄辦營務冀獲指臂之助理合陳

皇上明伏乞

駁文忠公奏稿卷一

七五

皇上聖鑒謹

奏

疏

和云計必百計之選明長于戰募古來國之

京堂左宗棠則來湖南募勇不獨營哨各官一

督臣曾國藩與署湖北撫臣胡林翼候補四品

旨飭令募勇六千人馳赴江浙皖南援剿時值兩江

再湖南紳士同知銜候選知縣劉蓉前奉

再臣行營一切文移應行蓋用關防以昭信守
現刊刻木質關防一顆其文曰

欽命督辦四川軍務湖南巡撫行營關防擬於交卸
撫篆後開用除咨部查照外理合附片陳明將
來奏報軍務可否卽用木質關防印發伏乞

聖鑒訓示謹

奏

駱文忠公奏稿卷一

十六



聖鑒訓示稿

奏委辦軍務河岳酒稅木質關防印發為三

應奉發開訊創咨部查照於應合摺片則即派

奉命督辦四川軍務湖南巡撫行營關防鑄文賦

其供厥木質關防一顆其文曰

再臣行營一切文移應行蓋用關防以昭信守

奏爲恭報

微臣

起程日期並籌備軍餉事宜仰祈

聖鑒事竊臣於九月十八日交卸撫篆會將料理八川情形及酌量調派兵勇緣由奏明在案嗣據探報徽甯賊氛稍遠信饒協防之師暫可緩籌旋據夔州重慶兩府稟報四川賊黨自李藍兩逆外又添出張黑五胡八千歲何黑二添青和尚等三股各三四千人分擾榮昌銅梁永川大足璧山安岳遂甯維州等縣賊勢益覺蔓延兵力尤須厚集現已調集黃瀆熙劉嶽昭卜宗銓侯光裕各營約萬餘人定期十月十三日分隊陸續起程由常德取道前進查黃劉兩營欠餉已逾三月約須口糧銀十八萬兩有奇復籌費備十月十一月兩月行糧合計爲數在三十萬以外湖南庫欸久空各路防兵口糧有欠至四五個月未發者廣西貴州湖北等省協餉有欠至六七個月未解者以

皇上垂念西陲不得不先其所急藩司文格署臬司

裕麟竭力湊措並搜括鹽茶釐金各局欸項經營一月之久始獲湊備此數嗣後餉源日艱一

日臣將來率師入川斷不能復向湖南索餉四

川雖屬留備省分然地大物博夙稱殷富視湖南瘠地不啻數倍但使委任得人計尙易於籌辦臣奉

命督師本無地方之責其於地丁關稅各正款固非臣職所當問卽如釐金捐輸各辦法亦非臣分奏所得爲將來一入川境虛懸客寄束手坐視實無籌餉濟師之法再四圖維惟有籲懇

皇上天恩敕下署四川督臣早爲籌備俾臣一到川命省得以專意軍政不至以餉項乏缺士卒饑潰爲慮庶士馬可期飽騰則剿辦尙能迅速臣不

駱文忠公奏稿卷一

六

勝待

命之至至於進止機宜俟臣行抵蜀境後確探情形呈籌度緩急再行陳奏所有微臣起程日期及預

先籌備軍餉事宜理合恭摺由驛具

奏伏乞

聖鑒訓示施行謹

奏咸豐十年十一月初五日奉

硃批另有旨欽此

再臣自奏

旨督辦軍務迭咨署四川督臣飭局於夔州所屬擇

要設立糧台俾臣抵川境後得以就近支應迄

今日久未准咨覆辦理現據重慶府稟報資州

一帶 有賊踪道路梗塞文報既已難通餉項

何能應手萬一臣軍抵川境後尚須停兵待食

曠日延時坐視賊勢披猖地方糜爛而臣以餉

缺不能進剿坐失事機將何以上紓

皇上西顧之憂下慰蜀省士民之望查夔州重慶各

府縣錢糧關稅計尙有款可籌如川省未經設

駱文忠公奏稿卷一

九

立糧台可否容臣就近提用以利師行相應請

旨飭遵臣爲預備軍餉以免遲誤起見是否有當謹

附片陳明伏乞

聖鑒訓示施行謹

奏咸豐十年十一月初五日奉

硃批另有旨欽此同日准

軍機處片開貴撫具奏飭川籌餉提用錢糧各

摺片本日已奉有

寄信諭旨交

署四川總督崇實辦理矣爲此知會

再臣督辦軍務所有一切文案及支應餉需均應派員分理查有在籍紳士保升候選同知前選雲南定遠縣知縣彭洋中歷練明達堪以辦理文案湖南候補知縣祥麟廉明勤幹堪以辦理支應該二員均經臣札調隨同赴川分別委用惟祥麟係丁母憂於本年八月二十二日服滿例應回旂補行穿孝之員現值軍務緊要辦事需人合無籲懇

天恩俯准該員隨

臣

軍營以資任使一俟軍務告竣

卽行給咨回旂補行穿孝理合附片陳明伏乞

駱文忠公奏稿卷一

三

皇上聖鑒謹

奏咸豐十年十一月初五日奉

硃批著照所請欽此

奏爲石逆竄入楚境連陷綏甯城步分撲武岡新甯現准署撫臣咨商暫調赴蜀各營分路援剿恭摺奏祈

聖鑒事竊臣率師赴蜀定期十月十三日分隊陸續拔營業於十月初九日奏報在案正在料理起程間十二日接准署撫臣翟誥咨開石逆大股由融縣闖入楚境綏甯城步兩城先後失陷現復圍攻武岡分竄新甯並有另股竄擾洪江之說石逆狡悍異常必厚集兵力庶足以遏截兇鋒湖南現兵不滿二萬各處分布殊形單薄且

駱文忠公奏稿卷一

三

乏得力統將恐難深恃請暫移援蜀之師先剿湖南之賊查劉嶽昭所部擬於十三日自湘潭開船可否卽飭就近由湘鄉馳赴寶慶相機堵剿黃澗熙卜宗銓等營可否飭赴常德辰州探明情形聯絡布置以杜分竄而免蔓延並據劉嶽昭稟稱武岡被圍湘寶一帶空虛人心惶惶紳民兵勇相率籲請剿滅此股然後入川請示遵行各等情前來臣惟石逆兇悍詭詐冠於諸賊上年竄往粵西原非該逆本意其垂涎楚蜀已非一日屢奉

諭旨諄諄亦以此賊未除時煩

聖慮今大股既乘虛竄楚且聞與四眼狗陳逆暗相
勾約圖犯兩湖自不得不先其所急已飭劉嶽
昭由湘鄉寶慶進剿飭黃澆熙卜宗銓出安化
新化間道確探賊踪會合夾擊萬一賊勢西趨
計在竄蜀即可繞出賊前攔頭迎剿一俟湖南
軍務稍鬆便當飛調各營於常德取齊迅卽督
帶赴川以紓

皇上西顧之憂而濟湖南目前之急所有石逆大股
竄楚暫調赴蜀各營分路援剿緣由理合恭摺
由驛具奏伏乞

駱文忠公奏稿卷一

三

聖鑒訓示施行謹

奏咸豐十年十一月十六日奉

硃批近年四方多故湘南諸軍出力爲多若遽移師
西向恐內顧憂煩轉難得力著暫准所請俟軍務
稍緩卽迅速統帶赴蜀欽此

奏爲蕭啟江一軍已回抵湘潭現在奉到

寄諭謹擬飭令改道馳赴黔蜀之交相機迎剿以速
戎機事竊臣於十二月初六日欽奉

寄諭據曹澍鍾奏酌撤蕭啟江一軍回鄂援皖等語
九月二十二日逆匪竄撲懷遠鎮天河等處敗回
羅城慶遠柳城一帶意欲奔黔窺伺川省蕭啟江
一軍正與劉長佑由永福進兵會合剿辦雖經會
國藩調回催令赴鄂惟廣西兵力較單仍着駱秉
章曹澍鍾酌量情形是否堪以暫留並接濟兵餉
使其追剿石逆以固川省邊防欽此初九日又復

欽奉

駱文忠公奏稿卷一

三

寄諭前因粵西逆匪圖由黔省窺蜀恐田興恕一軍
不足以資扼截諭令駱秉章等酌留蕭啟江在粵
追剿毋任賊蹤他竄本日據蔣蔚遠奏探聞首逆
石達開現已竄入慶遠畏脇不下十餘萬自羅城
至落墨渡連營二百餘里十月二十六日分股由
六合墟渡江竄踞德勝逼近南丹意欲由黔入蜀
請飭田興恕速行回黔由都勻一帶迎剿等語田
興恕一軍前據駱秉章奏明俟探明黔中消息再
行前進現在賊匪欲由黔入川獨山荔波均形危

急諒駱秉章已令進兵惟賊氛業已逼近著飭該副將星馳前往毋稍延緩至該逆人數衆多自應厚集兵力以資圍剿蕭啟江一軍前因曹澍鍾奏稱因楚中檄調急欲回軍曾降旨仍令暫留粵西昨據曾國藩奏稱並未調回湖北所有蕭啟江兵勇仍着駱秉章接濟兵餉由曹樹鍾飭赴慶遠一帶追剿石逆毋令蔓延川省以保完善之區欽此仰見我

皇上厯念巖疆思患預防至意臣查蕭啟江一軍四

千五百人前經臣飭援廣西省城桂林解圍後

駱文忠公奏稿卷一

五

曹澍鍾留其在粵剿賊曾國藩調其回鄂援皖蓋均以兵力宜厚統將需才也蕭啟江旣奉曹澍鍾酌撤赴鄂之檄遵卽馳回因所部在粵傷亡數百又以不服水土染病物故者多行抵湘潭卽暫留整理本月初一日單騎赴省稟見臣

面詢粵西賊蹤據云石逆由義甯竄柳州時柳城賊固拒不納旋假道竄踞慶遠府城僞石國

宗一股尙踞來賓縣此外土匪股數尙多難以悉數粵西土地荒蕪民物彫耗良民避賊結寨山居土匪則倏聚倏散軍行所至不特採購維

艱卽偵探亦難得的耗官軍現擬進攻柳州俟
克復柳州始可進圖慶遠旋即稟辭回湘潭
奉到

諭旨比卽恭錄行知茲復欽奉

諭旨飭赴慶遠一帶追剿石逆毋令蔓延川省是蕭
啟江一軍急應專注石逆不容稍緩蔣蔚遠既
奏稱十月二十六日賊已逼近南丹獨山荔波
均形危急是貴州都勻一帶形勢迫切可知現
已四十餘日賊蹤又竄至何處無從懸揣蕭啟
江一軍已回抵湘潭距廣西慶遠府二千五六

百里卽令整理完竣星夜回赴粵西約計程期
非五十餘日不能馳抵慶遠比至慶遠賊蹤又
不知竄向何處誠恐賊蹤日遠一日官軍終無
遇賊之期且由廣西追剿石逆必取道柳州柳
州現爲另股所踞若與官軍相持不下官軍又
不能越柳州而趨慶遠是柳州之賊代石逆受
兵而石逆反得從容逸去終遂其入蜀本謀也
以臣愚見度之石逆旣已逼近南丹則入黔之
勢已決黔亂已久又本瘡苦之鄉非賊所戀其
由此窺蜀無疑蕭啟江一軍旣已抵湘似宜由

寧鄉安化激浦一帶取道沅州一面確探黔中消息如賊蹤未過都勻則由靖州赴黎平古州與田興恕會師橫出截之倘已過都勻或甯至平越甕安餘慶一帶則距四川邊界極近官軍若從黔境尾追反速其入境之勢蜀中丞平已久營務廢弛咽喉匪所在充斥斷難期其力退兇氛非調蕭啟江田興恕兩軍繞道赴蜀併力禦之賊或深入蜀境則土匪響應從亂如歸而患乃不可勝言矣臣非不知禦賊於廣西貴州卽

所以保固四川且可兼顧黔粵較之預防四川

所全者多但以黔粵兵荒已久嗜亂之土匪從逆之苗獠所在蜂屯蟻聚官軍此時旣以討石逆爲急勢必不能節節分兵剿洗至滯兵機假使分兵剿洗不獨孤軍深入愈分愈單無以制賊且曠日持久師老餉竭意外之患更難設想又黔粵地方殘破過多採購鹽米極艱軍行難期迅速正恐黔粵未得客軍之益而用川先已受狡寇之害也且以大勢言之蜀境雄甲西陲地險民富天下常視以爲安危蜀境安則北而關陝南而滇黔東而楚豫均可藉其屏蔽賴其

轉輸倘稍有損失則滇黔粵西無可盼之餉荆湖無可抽之釐陝豫且有防不勝防之慮石逆前竄湖南注意寶慶者爲其可通鄂蜀臣之所
以嚴扼寶慶截其旁竄者亦以其可通鄂蜀之
故茲旣由粵窺黔將由黔以窺蜀官軍難於黔
粵遏其奔衝則蜀中戒備自不得不嚴益加嚴
以期慎密臣愚竊謂爲四川計蕭啟江田興恕
兩軍人數尙止九千仍嫌單薄且恐其才足當
一路而未足規畫全局可否仰懇

皇上速飭曾國藩從長計議如皖事暫尙可緩卽帶

所部陸軍並酌帶水師數營赴蜀與署督臣曾
望顏相機圖之四川如獲保全則兵力轉弱爲
強餉源更裕滇黔亦可資其援剿之力西南兵
事自有轉機至田興恕一軍自古州調回時人
數僅止一千五百名當經飭令加募足成四千
五百人前追賊東安時臣慮石逆由粵西懷遠
竄黔已飭帶所部全軍馳赴靖州嗣復飭其確
探賊踪相機進剿其月餉概由湖南籌給其蕭
啟江一軍之餉每月由曾國藩籌給一半湖南

籌給一半今旣改赴黔蜀之交拟湖南仍給半

餉外咨四川督臣籌給一半將來入蜀卽由川
省就近全數籌給以裕軍食而免轉運之煩所
有酌籌情形謹據實復陳是否有當伏乞

皇上訓示施行謹

奏咸豐九年正月初八日奉到

硃批另有旨欽此同日承准

軍機大臣 字寄頭品頂戴湖南巡撫駱

咸豐九年十二月二十七日奉

上諭前因蕭啟江兵勇曾國藩並未調回湖北仍諭

令駱秉章接濟兵餉由曹澍鍾飭赴慶遠一帶追

駱文忠公奏稿卷一

天

剿石逆茲據駱秉章奏蕭啟江一軍已回抵湘潭

距廣西慶遠府較遠自宜繞道赴蜀與田興恕會

合夾攻以保川省且兼顧黔粵著照所議辦理至

蕭啟江軍餉每月由湖南籌給一半將來入蜀後

該撫擬由川省全數籌給近年川省籌解各省軍

餉爲數已多此項餉糈恐未必能全行撥給仍着

駱秉章按月籌解一半毋誤要需至該撫請飭會

國藩從長計議酌帶水陸各軍赴蜀等語現在四

川省業已收復筠連等三縣敘郡亦已解圍情形

稍鬆况皖省軍務正當吃緊曾國藩現須統師東

下以顧全局勢不能再令赴蜀着駱秉章仍飭蕭
啟江會合田興恕一軍確探賊踪迅速相機進剿
務須殲擒巨逆毋令闖入川境是爲至要將此由
六百里諭令知之欽此

奏爲督臣奏請臣軍改援江鄂臣謹體察全局情形分軍籌辦恭摺奏祈

聖鑒事竊臣督帶楚勇九千餘名由水路分起赴蜀

二月十三日行抵安鄉忽接准湖廣督臣官文

函咨言皖逆上竄黃州省城空虛促臣移軍赴

鄂時臣所部前隊卽用道劉嶽昭補用知府黃

淳熙兩軍已先後行抵宜昌當卽飛檄該二軍

暫行駐紮籌酌進止及臣二十一日行次沙市

黃淳熙一軍業經督臣調回臣不得不暫駐沙

市審度機宜嗣復接准督臣函咨皖賊敗竄麻

駱文忠公奏稿卷一

城鄂垣布置周妥四川軍務喫緊仍囑臣督師

西上臣方籌換入川船隻決計進發二十七八

兩日迭准督臣函稱江西撫建被圍援兵屢挫

而湖北賊勢蔓延黃陂孝感雲夢德安等府縣

欲臣分兵數千駐紮重慶以一軍援江一軍援

鄂已與撫臣胡林翼安徽撫臣李續宜會銜入

告等語伏念臣所部不滿萬人斷不能分撥三處

而兩湖江西相爲唇齒實係東南大局有不得

不熟籌深慮力圖兼顧者竊考四川形勢陸通

秦豫水達荆淮西北畿疆之奠東南權算之源

要皆仰恃乎此近五六年湖北湖南餉源稍裕實收蜀省鹽釐之利自比歲滇匪擾亂鹽貨滯濡關卡無可抽收軍餉因之告匱現今湖北江西賊氛竄擾非兵力不足之爲患實餉糈不繼之可憂使臣督率所部分援江鄂兵力實不能兼顧而軍無見糧士不宿飽豈能責使枵腹荷戈掃除狂寇反覆籌畫徒切焦思欲爲兩全之謀惟有分軍之法撥其半以援江助振湘軍之氣率其半以赴蜀疏通楚餉之源庶於大局或有攸濟現已撥劉嶽昭一軍四千六百餘人前

駱文忠公奏稿卷一

二

往湖北協勦該道籍隸湖南與督臣曾國藩撫

臣胡林翼均屬同鄉或鄂或江皆可歸其調遣

臣仍督率黃淳熙等營即日赴川相機進剿極

知川省賊勢蔓延兵力單薄難期迅掃妖氛然

使之會合蕭軍保全產鹽之地或猶力所能及

但使川東可保完全鹽源無復阻滯即於江鄂

軍務實有裨益將來布置稍定即可添募勇丁

大張撻伐萬一楚疆危迫仍可更圖應援似於

全局辦理事宜較有實濟謹將分軍籌辦兼顧

江鄂緣由具摺由驛陳

奏是否有當伏祈

皇上聖鑒訓示謹

奏咸豐十一年四月初六日奉

硃批另有旨欽此同日准

軍機大臣 字寄咸豐十年三月二十日奉

上諭前因逆匪竄擾湖北分犯撫建諭令駱秉章由
荊州下援江鄂或分兵數千先赴重慶俟江西賊
勢稍平再行入蜀本日據駱秉章奏接據官文函
稱江西撫建被圍援兵屢挫湖北賊勢擾及黃陂
孝感雲夢德安等府縣令分兵數千駐紮重慶以

駱文忠公奏稿卷一

三

一軍援江一軍援鄂惟所部不滿萬人斷不能分
撥三處現已撥劉嶽昭一軍四千六百餘人前往
湖北或鄂或江聽胡林翼等調遣該撫仍率黃淳
熙等營即日赴川等語四川軍務喫緊且爲楚省
餉源駱秉章現分兩軍一援江西一赴四川所籌
甚屬妥協著即督率黃淳熙等兵迅速前進會合
蕭啟江舊旅將川省逆匪認真剿辦勿令再肆蔓
延其劉嶽昭一軍著官文胡林翼酌度江鄂情形
相機調遣倘賊勢稍鬆仍飭令前往四川以厚兵
力至匪衆竄擾德安黃州等處現在會否擊退並

著官文等隨時奏報以慰厯念將此由六百里各
諭令知之欽此

駱文忠公奏稿卷二

四

奏爲遵

旨疏陳川省軍務並賊蹤竄近省城現籌剿辦情形

恭摺

奏祈

聖鑒事竊臣前於恭報起程日期摺內欽奉

硃批初抵川境即將川省軍務并經過地方一切情形馳奏欽此仰見我

皇上篤念西陲屢懷軍事臣雖愚闇敢不殫竭血誠

悉心體察三月十四日率師由荊州上駛二十

五行次宜昌四月初十抵夔州十七日抵萬

駱文忠公奏稿卷一

五

縣沿途接見各府縣官紳士民諮探軍情體察賊勢僉稱藍李張何各逆裹脇嘯聚蟻集蜂屯多至二十餘萬人出沒於潼綿資簡叙瀘富隆之間蔓延日寬蹂躪至四十餘州縣流毒生民殊堪憤悵然以臣熟察利害審度情形其黨多而不整其計狡而不悍其情合而不固此三者猶是亂賊草竊之故智非若粵逆之堅悍難制也然亦有不易剿除者三端一則散而不聚賊黨雖多而東西分布不常聚於一隅即至臨陣對敵往往以數十百人爲一隊錯雜散布於峯

巒堆阜之間我師銳欲進攻而不能專向一處
幸而勝之所殺不過數十百人而於賊勢初無
所傷不幸竟爲所乘則重重包裹無得脫者一
則剽而不留賊志本在擄掠初無踞城畧地之
圖每逢勁兵進剿輒即棄而他竄所在擄糧剽
輕迅疾而官兵非整旅資糧不能追躡其後料
理數日賊已遠颺即欲窮追而勞疲已極遇賊
而亦難期得力一則伏而不出嘉慶年間川省
剿辦教匪民間多脩碉堡爲堅壁清野之謀今
往往反爲賊踞飽掠米粟巢窟其上層巒疊嶂

聲息相聞我師銳欲上攻而山路崎嶇峭壁千
仞雖勇者無所施力及至日暮引還賊反蜂擁
而下鳴鼓噪逐擊其隋歸此三者所以爲蜀省
行師之深患難期奏捷於旦夕者也臣愚反覆
熟計竊謂賊勢旣患其分非誘歸一處則此剿
彼竄莫收聚殲之功我師每慮其薄非並力一
心則備東缺西終成流寇之患現臣所將湘勇
僅五千餘人即會合蕭啓江舊部亦祇萬二千
人之數川省兵勇習氣太深營制太壞雖經署
督臣崇實極力整頓而積習相沿驟難期其得

力則合圍會剿之謀恐非臣力所及倘賴

皇上天威式臨事機順手或一戰而殲其渠魁使賊大受懲創則脅從黨羽當可駭散大半由是節節剿洗尙易爲功如其竄踞崇巖負隅不出或一擊而走南北紛歧無攔頭之銳師無截擊之勁旅則東馳西突實有疲於奔命之勢即或窮追逼剿亦慮回竄滇南終爲蜀省之患此則臣

所日夜焦思而私竊深慮者也臣前行次雲陽

接准署督臣崇實來咨言粵逆攻撲畢節慮其

竄越赤水兼聞叙瀘一帶賊踪蔓延方擬移師

駱文忠公奏稿卷一

七

進剿迨十七日行抵萬縣始聞賊踪逼近省垣

西南北三路遍地皆賊道路梗阻並新起另股

陳匪等又復逼圍順慶府城人心震悚臣念省

垣重地必須先圖保固即於十八日派撥黃淳

熙率所部果毅營由梁山大竹進趨順慶旋於

二十日接准崇實來函邀臣率師逕赴成都商

同剿辦臣現已整隊東裝即日續發其一切規

剿方畧容俟臣行抵大竹順慶後熟籌具奏所

有覆陳川省軍務及逆匪竄近省城逼圍順慶

現規進剿情形謹先恭摺由驛馳

奏伏祈

皇上聖鑒訓示謹

奏咸豐十一年六月初三日奉

硃批覽奏一切均悉欽此

駱文忠公奏稿卷二

八

奏爲逆賊圍攻定遠縣城楚軍疾馳進剿一戰大捷殲除首逆立解城圍恭摺

奏祈

聖鑒事竊臣前抵萬縣探聞逆賊逼圍順慶經臣飭

派果毅營黃淳熙一軍先馳進剿比據探報情形奏明在案五月初一日黃淳熙督率所部行近郡城旋聞賊已解圍竄往順慶府南七十里之李渡場烈面溪三溪口一帶並悉此股逆匪頭目係僞總鎮何國樑與其弟僞都統何興順等帶賊三萬餘人由牛腹渡分竄資陽遂甯蓬

駱文忠公奏稿卷一

九

溪以趨順慶圖擾川東一路初八日黃淳熙率師由順慶進剿途次疊接定遠縣令稟報該逆圍攻縣城晝夜兇撲危在旦夕遂督飭各營兼程疾進十一日巳刻抵距定遠縣城二十餘里之興學塲登高瞭望見該縣東北兩門江水環繞西南則羣賊蜂屯連營至十餘里之遠並見該逆正在距城五里之南門壩造搭浮橋將分股渡江而東爲牽制官軍之計黃淳熙恐其計之得行而蔓延於川東也亟飭各營傳餐飽食派令前左後右正中副中營官各帶所部分三

路逕搗賊巢黃淳熙督同即選教諭曾傳理即
選從九鄧立心補用從九蔡鴻章率中軍繼出
中路策應午刻行抵離城十五里之姚家店瞥
見逆黨整隊而出前營都司曾志友左營游擊
賀連級率師奮前接戰鎗矛猛進賊敗退方欲
歸梁而右營守備熊英豪後營遊擊賀長春率
師從左路抄來中營都司丁九祥副中營都司
鄒上元率師從右路抄來三面夾擊賊勢窮蹙
遂棄其三壘而奔我軍乘勢奮追至祖師殿賊
愈多壘愈密守梁悍賊排列鎗矛以待我軍奮

臂大呼徑前奪壘陣亡者四人被傷者六十七
人而眾志益勵爭以火包火蛋拋擲賊營賊棚
著火皆蕪勢不能支悉眾狂奔沿途二十餘壘
望風皆潰我軍分途痛剿層層包裹逼至江干
首逆何國樑倉皇狂走正欲脫衣渡江我師追
至奪其偽關防旗牌而戮之餘黨鎗斃者凡數
千人逼溺河中死者亦數千人棄械投誠因而
遣散者近萬人救出難民不可數計奪獲騾馬
五百餘匹偽印二十餘顆旗幟器械之棄擲道
路者所在皆是雖餘匪有先期渡江擄糧及敗

後鳧水而竄者共不過十分之一經黃淳熙派
隊確探跟踪躡剿以期全殲無遺臣查此次湘
軍遠來以少擊衆仰仗

皇上天威不過三時之頃殺賊近萬立解城圍遂使
兇焰頓銷逆渠授首實足以快人心而寒賊膽
合無籲懇

天恩迅加懋賞以示激勸出自

天恩所有楚師入蜀剿賊大捷殲渠解圍緣由理合
會同署四川督臣崇實恭摺由驛馳

奏伏祈

駁文忠公奏稿卷一

七

聖鑒訓示施行謹

奏

咸豐十一年七月初四日奉

硃批另有旨欽此同日奉到本年六月十九日奉

上諭駱秉章奏剿辦定遠賊匪獲勝縣城解圍一摺
駱秉章統帶楚軍馳抵四川探聞賊匪何國樑率
衆攻圍順慶派令道員黃淳熙帶兵進剿賊舍順
慶竄往定遠黃淳熙兼程前進於五月十一日抵
興學塲適賊衆屯聚定遠西南門外並於南門填
搭橋欲圖分股渡江牽制官軍黃淳熙督隊進擊

逆黨出拒官軍三面夾攻賊勢窮蹙奔壘奔逃官軍追至祖師殿賊壘愈密擲以火器賊營賊棚皆焚悉眾狂奔沿途二十餘壘望風皆潰生擒首逆何國樑正法並殲斃賊黨數千人溺水斃者復數千人遣散脅從約萬餘人奪獲偽印旗械騾馬等無數定遠城圍立解湖南官軍甫入四川即能以少勝眾立解定遠城圍殲除首逆剿辦甚爲得手著賂秉章查明保奏候朕施恩欽此

奏爲統將追賊中伏遇害請加

恩卹以慰忠魂並現籌辦情形恭摺奏祈

聖鑒事竊臣前保按察使銜記名即補道黃淳熙於

五月十一日在定遠縣城剿賊大捷殲渠解圍
餘匪之先期渡江及敗後他竄者急謀跟蹤追
剿業經奏明在案旋據探報渡江賊目爲僞叅
將彭紹福率其黨千餘人在東岸聞信即乘十
二日大雨自下游潛渡而西收合敗竄零匪及
棄械投降因而遣散之賊約二三千人由清平
鎮竄往燕子窩二郎場一帶十三日黃淳熙率

駱文忠公奏稿卷一

十三

師躡剿十四日抵萬古場距二郎場約二十里
二郎場者絕地也四山壁立田谷阻深一綫羊
腸盤紆曲折而由該場比走潼川西走遂甯均
爲涪江限隔逆黨被追既急又阻水不得渡遂
迫爲反噬之謀適另股朱僞統領率衆數千由
青崗壩一路竄至兩賊合而勢亦遂張遂於四
路設伏而虛二郎場以待黃淳熙連發探丁至
場所不見一賊詢之一二老民謂賊已遠颺去
此四五十里探丁先後還報遂於是夕五鼓派
隊跟剿行十餘里至燕子窩突與賊遇前營營

官曾志友奮力衝擊賊敗走追七八里過二郎
場賊反分兩路遶山麓上竄黃淳熙心知有伏
即飛飭各營分左右路搜剿而自率中軍策應
兵始分而賊伏四起層阿斜谷之間或數十百
人或百餘人旁見側出錯雜散布我軍分途堵
禦鎗矛迭施殪其前鋒數十人而朱逆另股分
隊突至蜂屯蟻聚凡屬岡巒堆阜之地悉被佔
踞我軍逼處阡陌小隘之間跬步不能旋轉由
中泥淖深或數尺下足即陷坵隴間隔彼此不
能相顧黃淳熙知已中伏而慮全軍之俱覆也

急自督中軍大旂與幫辦鄧立心蔡鴻章各率
親兵十數人分途接戰躍馬前馳未半里至深
溝賊已分數路包抄掩至親兵見事已急爭控
馬請少退黃淳熙叱之曰我何可走走即六營
將士同盡矣解所佩木質關防授親兵使歸報
而親自搏戰鄧立心蔡鴻章策馬突陣賊猛撲
之各身受數十傷墜馬陣亡賊圍四合左右殊
死戰莫能脫前營官曾志友幫辦左春坊中營
官丁九祥副中營官鄒上元等望見馳救突圍
而入奮力衝擊各殺十餘賊賊環刺鄒上元左

春坊中矛死黃淳熙急謂丁九祥曾志友曰賊得我即止汝輩可自奮爲後圖遽鞭馬衝陣馬乃陷泥淖中不能起遂棄馬揮大刀直前丁九祥等亦大呼從之前賊驚走而後賊踵至圍復合親兵數十人皆力戰死曾志友亦受矛傷黃淳熙奮力馳突手刃十數賊而右臂被刀傷不可舉左脇復中矛血溢出撲地暈絕曾志友丁九祥知不可救乃皆破圍逸出然賊之死者已三四百人亦被創不復追我軍遂得整隊以還十六日派隊復出則賊已於是日黎明時遁去

矣各營於戰所收檢遺骸自鄧立心蔡鴻章鄒上元左春坊以迄各弁勇皆身被數十創鱗次櫛比膚如刻劃蓋皆以一人敵十餘賊以數人敵數十百賊故受創最慘而黃淳熙之死事尤烈臣於二十三日在大竹縣聞報急飛飭該營幫辦曾傳理代理營務率軍回紮順慶撫摩而激厲之臣亦即於六月初一日馳抵順郡查點

士卒自前保遊擊彭克昌以下死者一百一十名被傷者七十六名士氣尙無大損臣是以知黃淳熙血戰死拒保全諸軍之功爲不小也果

毅營勇丁三千餘人自營官以下弁勇無不涕泣憤憾急思報仇者臣是以知黃淳熙撫養士卒之恩意至厚而將才之未易復得爲可惜也謹將黃淳熙歷任政蹟及死事情形附片縷陳
顛懇

皇上天恩賞贈布政使銜照布政使例從優

賜卹

予諡並請於順慶府城及殉難地方建立專祠以慰忠魂前保五品銜湖南即補知縣蔡鴻章即選知縣鄧立心均請照同知直隸州例從優

暨文忠公奏稿卷一

十一

賜卹前保叅將鄒上元可否照副將例從優

賜卹前保遊擊彭克昌可否照叅將例

賜卹其餘自守備周必文以下至外委四十二名應

得卹典另摺呈

覽並請附入黃淳熙專祠附祀其陣亡勇丁六十八名由臣照例辦理現聞監逆巨股逼圍綿州而

二郎場遁去之匪亦已由監亭魏城一路期與

藍逆會合臣亟思整旅進剿而果毅營新失統

將倉卒難覓統領之人尙俟從容物色俾該營

將士帖然翕服庶期終收其力所有統將中伏

遇害現籌辦理情形謹會同署四川督臣崇實
恭摺由驛馳奏伏乞

皇上聖鑒訓示施行謹

奏咸豐十一年七月初四日奉

硃批另有旨欽此同日奉到咸豐十一年六月二十

日內閣奉

上諭駱秉章奏帶兵道員追賊遇害懇請恩卹並縷
陳政蹟及死節情形呈覽其隨同陣亡各員一併
開單請卹各等語四川定遠縣圍城賊匪被擊敗
遁後復糾約死黨潛行渡江道員黃淳熙率師躡

駱文忠公奏稿卷一

七

剿五月十四日於二郎場地方遇伏與知縣蔡鴻
章等同時力戰被害黃淳熙歷署湖南綏甯等縣
知縣著有政蹟迨駱秉章令其募勇剿賊於寶慶
江華等處疊著戰功乃以追賊遇伏手刃十數賊
力戰陣亡所部勇丁悉獲保全披覽死事情形殊
深悼惜按察使銜記名湖南道員黃淳熙著追贈
布政使銜卹卹照布政使例從優議卹加恩予諡並
於四川順慶府城及殉難地方建立專祠駱秉章
原奏著交國史館採入列傳以彰忠盡伊母李氏
並著賞給三品封典其同時陣亡之五品銜湖南

候補知縣蔡鴻章五品銜候選知縣鄧立心均著
照同知直隸州知州例從優議卹四川補用叅將
鄒上元著照副將例從優議卹都司左春坊著照
遊擊例從優議卹遊擊彭克昌著照叅將例議卹
守備周必文藍步雲周起雲鄧萬勝彭福慶胡丁
山黃三勝王英俊張家松周定勝均著從優照都
司例議卹千總陶春林周洪春易添勝陳萬釋周
月亭均著從優照守備例議卹把總周家順劉勝
山成福香劉繩武劉永年吳桂庭易得元劉廷贊
黃選兆黃國銓均著從優照千總例議卹外委黃
德惠陳洪高李元富楊翰雲袁汝賢張全美陳國
光丁有成向金山曠懷谷曾大文張維翰閻星輝
賴自宏黃良棟劉長發擬保外委黃紹德均著從
優照把總例議卹蔡鴻章等均著附祀黃淳熙專
祠以慰忠魂該部知道單片并片發欽此

再臣查黃淳熙江西鄱陽人道光丁未科進士分發湖南歷署綏甯會同等縣政聲卓著而剛方質直頗不悅於上官遂引疾絕意仕進以有經手未完事件留寓湖南省城青袍布履徒步往來若未嘗登仕籍者獨居閉門博涉書史於郡國利病政治所宜時務之要靡不悉心研求至於水道方輿亦皆考證精核然不以自禱於人雖夙與相習者或不知其研精於此也咸豐三年臣任湖南巡撫廉得其前任政績數使人諭意使復起任州縣黃淳熙遜詞謝焉臣知其

可以誠動不可以祿位屈也乃即其家彊起之七年秋始起病出署湘鄉事甫及三月政教大敷訊結舊案數百件每聽訟不施鞭撻雖宿奸巨猾亦使自輸其情反復研詰必待其詞窮心服而後定讞或匹馬獨出歷各鄉村訪求民隱其所規畫皆爲地方久遠之計而不規一時之利不博一時之名亦不求士民之諒已而悅已不阿曲以徇長吏之意也臣知其才識遠大堪勝大任方欲專疏薦達而黃淳熙遽丁父憂去任家在鄱陽方陷於賊乃由間道奔喪旋移家

寓湖南適現任兩江督臣曾國藩奉

旨督辦浙江軍務道經長沙親至其家選與襄治軍

事黃淳熙既允諾而其母以家新徙又新遭喪

不使遠征臣旋檄令募勇千六百人防衛省城

九年飭令會剿石達開於寶慶旋剿賊目何文

彪於江華縣復追擊於江藍廳皆大破之九月

復追剿首逆賴裕新於楚粵交界之牛尾嶺杉

木根黃馬寨等處殲其渠十年率師防堵永州

道州綏甯靖州旋復追剿首逆彭大順於宜童

桂陽復其城前後大小三十餘戰所向克捷勞

駱文忠公奏稿卷一

三

績甚著黃淳熙雖故儒者然駢脇多力習苦耐
勞其治軍嚴整有法恩信孚洽而臨機應變驟
如風雨用能出奇制勝功出諸將之上然好深
入窮追嘗曰踔百餘里士卒或疲困道路輒令
就地休息而率其健者以從及抵賊所則所部
往往不及其半臨敵之頃英鷲無前躍馬橫刀
身先陷陣十一日定遠之戰以三千餘人當三
萬之衆不過三時之久殲渠壘立解城圍祇
以不忍殺降之故致使餘燼復熾十五日二郎
場之役自知所部已陷伏中慮致全軍覆沒遂

奮然以身當之直突橫衝十盪十決所誅殺三
四百人士卒死者纔逾百數而全部三千餘人
合火勇長夫逾五千之衆悉獲保全器仗資糧
無所損失而賊以大創宵遁則是日之戰雖敗
而功亦著矣黃淳熙既中矛撲地昏不知人爲
賊擁至場所始少甦賊迫令跪黃淳熙瞋目叱
之曰豈有堂堂太守跪爾賊者賊怒揮刀斷其
右臂益大罵不屈復斷其左足仆地罵益厲遂
決其首而支解焉烈積薪而燔之蓋場中難民
目擊情狀出而述之如此賊既遁始自場後得
其焦骨及其右足逮夜鄉民來獻其首色尙如
生旋得其右手左足又二日始覓獲其左手收
灰燼餘骨而并殮焉柩至順慶士紳迎弔者無
不涕泣不遠數十里奔走哭奠感其破賊之
功而痛其死事之烈也臣伏查黃淳熙爲人清
剛沈毅果於任事而警敏精細通達治體實屬
肩任艱鉅之才卓出輩流之上使得晉任封疆
展布才猷則本

朝名臣于成龍趙申喬之流亞也臣率師遠來方
資其力以平蜀不幸大功未達賞志以殉遂使

奮然以身當之直突橫衝十盪十決所誅殺三
四百人士卒死者纔逾百數而全部三千餘人
合火勇長夫逾五千之衆悉獲保全器仗資糧
無所損失而賊以大創宵遁則是日之戰雖敗
而功亦著矣黃淳熙既中矛撲地昏不知人爲
賊擁至場所始少甦賊迫令跪黃淳熙瞋目叱
之曰豈有堂堂太守跪爾賊者賊怒揮刀斷其
右臂益大罵不屈復斷其左足仆地罵益厲遂
決其首而支解焉烈積薪而燔之蓋場中難民
目擊情狀出而述之如此賊既遁始自場後得
其焦骨及其右足逮夜鄉民來獻其首色尙如
生旋得其右手左足又二日始覓獲其左手收
灰燼餘骨而并殮焉樞至順慶士紳迎弔者無
不涕泣不遠數十百里奔走哭奠感其破賊之
功而痛其死事之烈也臣伏查黃淳熙爲人清
剛沈毅果於任事而警敏精細通達治體實屬
肩任艱鉅之才卓出輩流之上使得晉任封疆
展布才猷則本

朝名臣于成龍趙申喬之流亞也

臣率師遠來方

資其力以平蜀不幸大功未達賚志以殉遂使

忠義飛灰肝腦塗地臣實痛之觀其慷慨罵賊
談笑受刃至於斷肢決脰而神不少慄雖古烈
士何以加焉伏望

聖慈勅下臣章宣付史館俾忠烈死事之臣尙得掛
名青史流播後世以表忠貞之節而彰

國家養士之效至其母李氏年逾七十聞此慘變
恐難自存可否

賞照贈銜封典以示慰卹之處出自

高厚鴻恩所有黃淳熙生平行實戰績及伏節死義
情形謹縷晰附片陳明以備史臣之採伏乞

皇上聖鑒施行謹

奏

奏爲現籌剿辦川北巨股調集各軍分途前進謹將布置大概情形恭摺覆

奏仰祈

聖鑒專竊臣前於五月初八日在萬縣承准軍機大臣字寄咸豐十一年四月二十日奉

上諭瑛棨奏川省軍務督臣專顧川東逆匪李短搭塔等乘虛分竄川北探聞自梓潼以至廣元一帶全無兵練防守陝西漢中府與蜀界毘連雖調派官兵出境嚴防惟賊衆兵單恐川兵追賊北竄逼入陝境請飭福濟酌帶官兵由劍州梓潼馳往迎

略文忠公奏稿卷一

三

剿等語前因粵逆竄入黔省畢節縣境距川省甚近曾諭令崇實嚴飭地方文武實力堵剿并諭駱秉章抵川後或親往南路或分兵助剿現在李逆又擾及川北梓潼廣元一帶必須嚴密設防以遏北竄福濟著暫緩來京即由劍州梓潼馳往防剿該將軍並未帶有兵勇著崇實迅撥官兵交福濟統帶駱秉章計已入川如兵勇可以分撥並著酌量調派以防川北一路福濟到防後著即督飭官軍迎頭截擊將李逆一股迅速掃除毋任竄入陝境是爲至要將此由六百里各諭令知之欽此嗣

於六月初九日在順慶府城承准軍機大臣字
寄咸豐十一年五月十五日奉

上諭前因滇匪擾及川北梓潼廣元一帶當諭崇實
撥兵交福濟統帶由劍州梓潼馳往防剿並著駱
秉章酌量分撥兵勇以防川北茲據福濟奏遵旨
馳往川北請籌調官兵等語藍逆大股圍攻綿州
甚爲喫緊並分股在潼川各場肆行滋擾潼川之
賊又欲分股由太和鎮下竄保甯順慶由葫蘆溪
劉家壑直撲綿州現在北路德陽羅江綿州綿竹
安縣小北路樂至鹽亭遂甯太和鎮地方處處有

駱文忠公奏稿卷二

十四

賊非厚集兵力痛加剿洗不足遏其克鋒福濟現
須趕緊赴防所調陝西分紮甯羗駐守之甘肅官
兵五百名帶赴川北尙覺兵力不敷剿辦該將軍
現已咨崇實駱秉章各撥兵勇二千名馳往援剿
現在川北情形喫緊各路兵勇如可勻撥即著崇
實如數派赴福濟軍營與所調滿洲官兵一千名
協力防剿以清川北一路兼保陝西完善地方毋
任將備等藉詞延宕致有貽誤駱秉章計已抵川
所帶兵勇數本無多仍著酌量川東川北緩急情
形設法兼顧不可稍涉拘泥福濟到防後先就現

有兵力節節布置實力堵剿力保陝南川北地方
毋任賊匪竄擾是爲至要等因欽此我

皇上眷念西陲復慮該逆北竄秦中擾及完善之地
敕成都將軍福濟由陝西帶兵赴劍州防剿復

飭臣酌量緩急情形設法兼顧

聖慮周詳不遺在遠竊查李逆巨股現踞青神而分
股竄擾眉州嘉定雅邛叙瀘各屬藍逆巨股現
圍綿州而分股竄擾江油彰明綿竹安縣梓潼
等縣此兩股中以李黨爲最多而藍黨爲最悍
又皆分布北路難保不懷窺伺漢中之意臣自

駱文忠公奏稿卷一

五

前抵順慶籌酌情形即以先剿此股爲宜既咨

商署督臣崇實請以署提臣蔣玉龍督率所部

兵勇牽制南路之賊俾臣得以專辦藍逆一股

冀先將此股殲除然後鼓行而南以取破竹之

勢則李逆黨羽當有望風瓦解之日臣在湖南

籌軍十年雖未嘗躬歷行陣然於用兵先後緩

急之序亦頗習聞其說大率賊中渠魁既踞要

地則分遣徒黨到處裹脅所在擄掠而游痞奸

民亦爭相趨附以圖快其意慾故股易分而衆

亦易聚官兵即能分剿剪除一股殲斃數千然

所殺者大都新附之衆於賊勢初無所損隨時
嘯聚不旬日又復累萬盈千故賊中有殺我一
百祇須一刻殺我一千祇要一天之謠剿辦之
要惟先攻其首逆搗其老巢苟巨魁被剿以難
支則餘黨不攻而自破故臣近於各處警報皆
有所不暇兼顧而惟以逕搗綿州爲事匪惟兵
力太單不敷分剿亦先後緩急之勢所宜然也
現據探報及署綿州唐燭蠟丸密稟稱藍逆精
銳悉萃於綿州南門外之東嶽廟塔子山榜山
等處營壘密布而西門外之西山觀北門外之

駭名忠公奏稿卷一

三

龜山桑林壩東門外之雲屏山賊壘參差周遭
環繞臣與署督臣崇實往返函商會調湘果營

總兵胡中和何勝必蕭慶高等所部六千餘人

與臣部果毅營護軍營分三路攻其南而檄遊

擊唐友耕州判顏佐才等擊其西其東路則擬

檄候選道張由庚率新募之勇九百餘人糾合

團勇力扼橋樓塲以防該逆分竄保甯之路並

飛咨福濟請飭盧又熊所部三千人力扼魏城

驛以遏分竄梓潼劍州之路其北路擬會檄候

補知府宣維禮都司姚懷玉及團紳溫崇貴姜

蓋臣張坦等督率團練使扼中壩場安縣畧坪各路據險設伏狙擊鵬剿臣亦即日進駐潼川就近調度冀收合圍聚殲之功雖賊勢數倍於我眾寡懸殊倘仗

皇上天威諸路如算則網羅密布該逆宜無倖脫之理至由川入陝之路一由廣元以趨甯羌劍閣棧道夙稱天險現有福濟率師扼截萬可無虞一由龍安以趨甘肅之階文亦可旁竄漢中蓋即鄧艾入蜀所稱陰平小道路尤奇險數百里寂無人烟一夫當關即難竄越臣已檄飭龍安府知府徐清飭團嚴防並令移知文縣階州一律警備但能稍加防範自可不致疎虞而臣現督師直搗老巢卽使鑿而走險度亦易於追躡竄陝一節暫可無勞

聖慮崇實屢函催

臣

赴省商辦裁汰冗兵寬籌軍餉

之法實屬蜀中要務而臣以果毅營新失統將

湘果營亦無統領之人誠慮諸將心力不齊致

失事機之會不得不躬自調度冀其稍有遵循

容俟布置既定然後趨赴省城共籌長策所有

現籌剿辦川北巨股調集各軍分途布置大概

情形謹會同署川督臣崇實恭摺由驛覆

奏伏祈

皇上聖鑒訓示謹

奏

咸豐十一年八月十六日

奉

旨覽奏俱悉欽此

駱文忠公奏稿卷二

三

再臣所部湘楚勇人數既單又於川省山川形勢夙不熟識進剿難期迅捷每思調派川勇俾爲先導而慮其習染已深心志難洽查臣前次奏調隨營之候選道張由庚英爽練達任事果決曾在湖南剿賊出力特飭令赴綏定募到正勇五百名立爲楚軍嚮導營又檄開縣武舉傅鴻勳回籍募到正勇四百名并歸張由庚統轄遵照楚軍營規紀律勤加訓練冀其倡率川勇別樹蜀軍之幟又因湖南隨營勇丁陸續踵至復檄總兵銜江西補用副將朱桂秋選募五百名副將銜補用叅將姚美倫選募三百六十六名均期於月內成軍俾隨護軍營同趨綿州進搗榜山一路庶期稍敷分撥聲勢較壯所有添募川楚勇丁緣由理合附片陳明伏乞

聖鑒訓示謹

奏咸豐十一年八月十六日

兵部火票遞到

軍機處贊襄政務王大臣奉

旨知道了欽此

奏爲官軍進援絳州大獲勝仗踏燬賊營三十餘
座縣城業已解圍謹將現籌剿辦事宜恭摺奏
聞仰祈

聖鑒事竊

臣

督師籌剿川北藍逆巨股調集各軍分

途前進業將布置大概情形奏明在案

臣於七

月二十六日親率後隊進駐潼川府城查悉縣
城形勢東北皆枕涪江南臨安昌小河隄西門
無水賊既夾河而軍又悉其精銳萃於南門以
外首逆僞元帥藍潮鼎自率僞興義軍都統藍
汝仙笙僞青龍軍都統康小老么僞六合營都

駱文忠公奏稿卷一

三

統巡小土地僞右中營都統李東清子諸逆目
分踞東嶽廟一帶而遣其黨僞左軍都統吳維
之僞仁軍都統鄧花子僞右頭軍都統周老五
踞塔山僞前龍軍都統徐元柱僞右左營都統
袁大猷僞右右營都統張老武踞榜山僞右七
營都統卯老伍僞右八營都統藍老泗僞右九
營都統盧老塢踞十賢堂每賊目各統七八千
人聯營六七里前後相屬其西門西山觀一帶
則僞前營副帥訾洪發僞左帥營都統戴老么
踞之北門桑林埧龜山一路則僞前軍副帥藍

潮柱踞之而以僞水軍都統鄭十大耶帶戰船以扼涪江通西北往來之路藍潮鼎既慄悍善戰所統逆衆十餘萬悉惟號令是從欲解縣圍當先從南路進剿臣既探悉情形即檄湘果左軍建昌鎮總兵胡中和中軍陞用總兵蕭慶高右軍陞用總兵何勝必牽所部六千餘人由中江黃鹿鎮進紮朱家橋分路逕搗東嶽廟賊壘而檄副將唐友耕由石橋鋪進以擊其左副將彭太和由桑林埧進以擊其右湘軍由三台縣之葫蘆溪進紮豐谷井其塔子山賊壘則檄護

軍營候選知縣劉德謙牽所部千六百餘人進剿榜山十賢堂賊壘則檄果毅營即選同知直隸州曾傳理牽所部三千餘人分路進剿西山觀一路則檄州判顏佐才牽所部黔勇三千人由新店子進剿而飭署縣州唐炯開城夾擊並檄叅將尹士超駐皂角鋪以扼該逆奔突之路各營均飭先期取齊即於八月初一日分途進攻同時並舉使該逆首尾不能相顧庶期一鼓聚殲布置既定旋據顏佐才稟報該營行抵新店子紮營白馬關逆匪遽派隊分路索戰顏佐

才卽飭營官胡國明楊星輝等當左路鍾再朝
龍騰光等當右路賀昇平邱虎臣羅仕恩等當
中路而自率石永堅陳金印等隨後策應左右
兩隊首先接戰鎗礮轟擊未分勝負該逆忽率
驍賊從下流偷渡我軍勢幾不支幸戴呈祥張
華等各分左右接應賊勢甚張僞前鋒統領李
湖珠率隊直撲中軍顏佐才急令賀昇平等接
戰而自率石永堅李文華從旁截擊呼聲震地
立斬李湖珠於陣前賊大敗退走我軍乘勝奮
擊斃賊二百餘名生擒七名餘黨狼狽歸營抵
死不出二十九日湘果營行抵楊家店途次忽
接探報逆匪萬餘人已由場後飛撲前來各營
整隊布列逆首已騎馬麾旗直撲左路胡中和
丞督叅將劉喜益等奮力抵敵陣斬紅衣賊目
二名賊遽改撲中路蕭慶高飭遊擊楊耀關蕭
德經等齊聲奮呼殺賊二百餘名正在力戰忽
山後伏賊蜂起喊殺前來何勝必力督叅將唐
鳳輝等與彭太和攔腰截擊將該逆衝爲兩段
分路洗剿斃賊六七百名該逆隨往李家溝一
帶奔竄各軍會合進剿又斃賊三百餘名直追

至朱家橋始行收隊三十日湘果營進紮羅家溝築壘未成該逆萬餘已由小路潛撲中右兩軍營壘何勝必蕭慶高等督兵迎剿誘近樹林都司廖連堃伏兵突出陣斬穿龍鳳衣賊目一名級賊二百餘名遊擊彭基品曾克勝蕭長青等各率所部從旁抄殺賊方奔潰竄過山岡林內伏賊忽起接應賊旋即整旂回戰幸蕭友章唐應聘等同時截出併力轟擊斃賊四五百名賊始紛紛鼠竄此二十八九三十等日各路初近緇州迎擊獲勝之實在情形也八月初一

日會剿之期各營均於五更出隊果毅護軍兩營先抵林埧塘遙見塔榜兩山賊旂林立各壘之賊均排列山腰以待而伏僞都統吳維之所統八千人於塔山下之吳家村並於要路分安大礮六座馬隊六七百名圍俟我軍衝上塔山即突出以襲其後劉德謙覷破情形當令前旂參將姚美侖右旂參將易榮華逕搗塔山賊巢而自率中軍及左旂遊擊文梅勝列陣山坡之下以防之姚美侖奮勇當先麾軍直上鎗礮子紛飛如雨穿透左膀益忿怒率所部猛進易榮

華墜馬折足仍發憤揮軍痛剿賊死亡枕藉紛
紛退入壘中吳維之方率伏賊繞出村前沿河
鼓噪不意劉德謙文梅勝等從山坡突出呼聲
雷動鎗矛紛鑽擊殺四五百人賊眾大駭退入
村中開放大砲我軍冒烟衝進賊倉皇棄馬敗
竄擁僞都統入吳家祠堂我軍環火縱燒逆黨
悍目同歸一炬塔山賊望見伏兵被殲爭奔出
壘門我軍奮力馳擊短兵相接都司陳益隆身
受三傷李茂盛身中五矛皆鼓勇衝突不少退
拋擲火包火蛋賊營九座頃刻皆燼曾傳理列

隊榜山下飭所部左營賀連級右營熊英豪分
路西攻十賢堂而自率其眾搶上榜山賊據山
半列鎗砲下擊我軍奮臂一呼十數路同聲湧
上賊方扼險死拒而前營曾志友後營賀長春
已登山撲出賊後正中營丁九祥副中營賀湘
輝乘勢逼進鎗矛疊施賊遽返奔入壘各營四
面環攻投以火箭火包七壘同時皆焚焚殺過
半餘賊突圍奔入山後二大壘各軍隨後追圍
之賊據壘開鎗我軍陣亡七人受傷八十四人
益賈勇直薄壘門或採登壘壁投以火具棚遂

募賊大亂爭奪門出我軍堵門截殺焚死無算
餘賊數千死命衝出沿涪江下竄適護軍營既
破吳家村沂江直上我軍從後追至賊無走路
盡逼入河於是僞左軍仁軍右頭軍前龍軍右
左營右右營各僞都統悉就殲滅而賀連級熊
英豪兩營亦已攻破十賢堂焚其四壘賊潰奔
東岳廟藍逆大營我軍隨後奮追並將廟左僞
青龍軍二壘踏燬維時湘果營亦於黎明出隊
總兵胡中和由朱家橋進何勝必由小埧店進
蕭慶高由林埧進彭太和率勇附於中軍之右
劉明聰率勇附於左軍之左將近東岳廟瞥見
該逆傾巢而出約四五萬人密布於附壘一帶
橫岡各營吶喝一聲同時並進該逆搖旗抗拒
勢如潮湧我勇奮力衝擊賊陣堅不得動左路
賊勢尤厚唐友耕石橋鋪之師觀望不進胡中
和力不能敵遂與劉明聰同時潰退賊乘勢追
趕包抄幾爲所乘幸中右兩路奮力截擊賊遙
見塔山榜山十賢堂烟焰蔽天知該處巢窟已
燬始氣奪無鬪志我軍趁勢撲之遂大敗奔還
各弁勇氣奮追逼其壘適果毅左右兩營已擲

火焚東岳廟左角各軍益相率縱火環燒逆營
十餘座賊大亂紛紛跳墻思遁我軍搶入其壘
正圍內外逼攻悉數聚殲忽焉濃雲四合大雨
傾注火器既皆沾濕弁勇身無乾縷不得已捲
旗收隊而歸而顏佐才率師由新店子過河潛
師壓賊正思奮力進攻亦爲暴雨所阻唐炯派
令都司孫廷槐出城助戰亦以是莫竟其功連
日陰雨霏微間值霽爽諸軍派隊前擊輒復連
緜不已而東嶽廟之賊遂於初六日自燬餘壘
移駐西山觀一帶桑林坵藍潮柱一股亦已於

十一日縱火自焚其巢渡涪水而悉聚於西門
之青衣坵一帶意圖併力死拒即一面爲分竄
安縣緜竹羅江之計臣已檄飭諸軍移營東嶽
廟左右並於安昌河搭造浮橋剋日濟師幸而
天氣晴明賊不即走即可將此股次第殄除萬
一該逆乘間竄逃亦已預檄果毅護軍等營由
羅江截出先駐緜竹並分紮筲箕灘一帶預爲
迎頭截擊之舉而飭湘果營由羅江之畧平塲
截赴安縣顏佐才之黔勇隨後尾追終圍蹙之
於安縣之間迅速盪滅以紓

聖慮伏查初一之戰雖以大雨莫收全功然果毅護
軍湘果各營以少擊衆踏破賊營三十餘座殺
斃燒斃溺斃之賊以三萬計奪獲馬匹器械及
拔出難民難以枚舉緜城東南北三面業已解
圍實屬著有勞績所有官軍剿賊大捷緜城解
圍及現籌剿辦情形理合會同署督臣崇實驛
馳由驛馳

奏伏祈

皇上聖鑒訓示施行謹

奏

正封摺間接據探報八月十四日果毅護軍湘
果黔勇各營分作三路進搗西山觀青衣坵一
帶賊壘鏖戰竟日業將新舊賊壘六七十座悉
數掃盪斃賊三四萬人追奔十餘里餘黨多向
安縣分竄綿州城外一律肅清臣現飛檄諸軍
跟踪追剿並派果毅護軍各營先趨羅江緜竹
一帶迎頭截擊期將此股聚殲於安綿之間不
使更遺餘孽謹先將綿州大捷焚壘解圍大概
情形附片陳明仰慰

宸厪伏乞

駱文忠公奏稿卷一

三

皇上聖鑒訓示謹

奏

五

再據賊中逃出文生黃鼎稟稱被賊擄入藍逆營中幾及一年藍逆名潮鼎雲南昭通人賊中稱偽帥主驍悍善戰其族人名潮柱年長於潮鼎數月呼之爲兄賊中稱偽副帥然諸事悉藍潮鼎調度不敢異同今外間或稱藍潮柱爲藍大順藍潮鼎爲藍二順其實賊中無此稱謂而藍大順尙非巨魁也初至縣州時衆至十六七萬裹脅良民居其大半近值該逆派出擄糧輒復乘間逃去先後約三四萬人現所存者尙十二三萬設偽都統分轄偽都統皆昭通人偽統領以下始雜用川人近因逃亡者多管束益嚴等語故臣此次奏報稱逆首藍潮鼎不用藍大順名字合并附片陳明伏祈

聖鑒謹

奏

再前五月定遠解圍之戰經臣將果毅營尤爲出力員弁隨摺保奏副將銜叅將賀連級賀長春叅將曾志友均保以副將留川補用遊擊丁九祥熊英豪均保以叅將留川補用已荷

聖恩允准在案嗣值該營追賊至二郎場統將黃淳熙中伏遇害該叅將等自以統將罹禍所有定遠戰功不思仰邀甄敘稟請奏明註銷前來臣查是日黃淳熙被難之頃該叅將等或以戰地遠隔不及聞知或因傷重力竭未能救護責若難追情實可原而所稟詞意痛切實出於感戀

駱文忠公奏稿卷二

四

主將之至情當經批飭卽爲據情轉奏暫行註銷而諭以殄除狂寇報讐雪恥之意此次該營弁勇奮勉立功人人皆切義憤同仇之志所有賀連級等五員前保職銜應請移歸此案

賞給實於該叅將等感恩慕義忠主報

國之忱尤爲允協謹將移案保獎緣由附片陳明
是否有當伏祈

聖鑒訓示施行謹

奏

奏爲恭謝

天恩事竊臣於八月十四日在潼川府城接准新授成都將軍署督臣崇實咨稱八月十一日准兵部火票遞到軍機處贊襄政務王大臣字寄咸豐十一年七月二十六日奉

上諭本日據崇實奏請飭福濟專防陝南責成路辦理四川軍務並陝防兵餉請暫由陝撫借撥各一摺覽奏均悉昨已明降諭旨將駱秉章補授四川總督仍督辦四川軍務等因欽此伏念臣粵東下士才識庸愚蒙

略文忠公奏稿卷一

四

大行皇帝特達之知由雲南藩司擢授湖南巡撫既更十載未建寸功迺因滇匪竄擾西川復

命臣督辦軍務自維受

恩深重不敢稍憚艱辛率將士以長征冀巴渝之永奠臣方慙節旄徒擁虛邀專閫之榮詎意

巽命重申復

巽兼圻之寄責任彌重報稱愈難

寵錫自

天悚惶無地查四川地大物博民殷財阜古稱天府王業藉以偏安近觸滇氛人心因之不靖營務

之廢弛已久吏治之積蠹尤深欲期正本以清源端須改絃而易輒而臣材慙樗櫟力類駑駘慮覆餗以貽羞實履冰而滋懼臣惟有慎持素履益勵丹忱收羣策以圖功集眾思而廣益庶期稍安疆圉慰

殷望於

九重迅掃欃槍酬

鴻恩於萬一所有

微臣

感激下忱謹繕摺恭謝

天恩叩請

訓誨

臣

現因綿州剿辦喫緊暫駐潼川擬俟布置周

略文忠公奏稿卷一

聖

妥始赴省城接印視事此次奏報仍用前刻木質關防繕發合并聲明伏祈

皇上聖鑒謹

奏

奏爲官軍大破藍逆巨股踏燬賊營七十餘座川
北業就肅清恭摺奏祈

聖鑒事竊臣前據探報緜州焚壘解圍業將大概情

形附片陳明在案旋接各營稟報該逆自初一
痛剿之後藍潮鼎自燬東嶽廟餘壘移踞西山
觀藍潮柱亦自焚龜山桑林埧各壘移踞青衣
壩一帶連營幾二十里大小七十餘座縱橫布
列右倚涪江左拒安昌小河以自固我師循東
嶽廟上下搭造浮橋該逆屢次出隊來圖毀拆
均被衝擊不敢近十三日天色稍霽浮橋五座

次第造成遂期十四日黎明濟師時賊衆尙八
九萬我軍敢戰之士僅萬三四人藍逆自踞
西山觀山勢險峻不利仰攻而青衣壩一片平
岡營柵環布樹木叢雜我師一經深入賊即湧
出以爲包抄之計惟左路孫家嘴趙家坡一路
繞出西山觀後山可取建瓴之勢是日黎明各
營咸集河干議以湘果營三軍合建中營由扁
堆山分三路趨觀後據上游以擊其背而以護
軍營合黔勇由右路循涪江支河直上以遏青
衣壩之衝果毅營由中路趨沈家嘴以當其前

此兩路均約嚴陣排列俟左路旣抵賊所望見
觀後烟火騰起則中右兩路同時併進以牽制
賊勢而收三面夾擊之功於是各軍以次渡河
顏佐才引軍先進遽向林埧村開放鎗礮劉德
謙遙見村內賊旂林立紅衣隱約慮顏軍有失
則各營皆被包抄進退無路即麾前旂叅將姚
美侖列隊毛家巷右旂助之左旂遊擊文梅勝
列隊林埧口而自督中軍繼之以策應顏軍布
置甫定顏軍已稍潰退劉德謙急整隊衝進勢
已深入藍潮鼎立西山觀搖動黃旂村內紅衣

悍賊二三萬人呼嘯湧出劉德謙督率各奮死
抵拒顏佐才亦督所部石永堅胡國明鍾再朝
等往來衝突幸各營人人爭奮鎗礮稍歇則以
刀矛繼之刀矛稍却則以鎗礮隨進更番疊戰
傷者已二百餘人而賊之死亡以千計自辰至
未歷四時之久屢前屢却而銳氣未衰維時會
傳理率所部六營布隊山下距賊壘約半里許
賊三四萬人傾巢而出排列山頂山腰以待會
傳理正從容指揮瞥見林壩村賊隊悉銳猛撲
右路眾寡之勢不敵而西山觀賊陣動移勢將

下山以襲護軍顏軍之後遂亦不能拘觀後火
起始進之約急麾前營叅將曾志友左營副將
賀連級奮逼山下以爲牽制之計鎗礮轟擊諸
路銳進於是山腰之賊退踞山頂前左兩營趁
勢搶上山半忽大礮自山腰衝出石塊紛如雨
下各壘之賊橫突而至山下二小溝環繞石橋
三板不便轉旋各營分道上山均爲溝坑限隔
前左兩營旣深入不能遽退賊勢從高壓下又
復左右圍抄礮石紛擊洞胸穿骨登時陣亡弁
勇十五名帶傷者一百五十八名各營奮力馳

救鎗礮連環疊施鏖戰逾時賊始退踞山半相
持不決而湘果三軍由左路循山迂迴十餘里
層層賊卡且戰且進將近西山觀後賊突出萬
餘人飛撲前來總兵蕭慶高急飭遊擊楊耀關
都司蕭長青督隊接戰而飭遊擊蕭德經副將
彭泰和守備曾克勝等伏兵樹林之內楊耀關
等衝鋒猛進賊敗竄山下小路正在狂奔伏兵
突出擊殺二三千人我軍奮力追剿賊之後隊
策應突至適總兵胡中和何勝必同時趕到奮
擊兩時之久斃賊數千賊始敗奔上山岡我軍

喊聲震地乘勢擁上賊壘施放噴筒火箭拋擲火蛋頃刻之間賊巢火起烟焰蔽天其時中右兩路鏖戰既久氣力竭乏忽見觀後烽烟暴發莫不賈勇奮躍呼聲雷動果毅前營猛撲直前賊猶死拒不退左營遽自左旁小徑捷登抄出賊旁賊大驚潰遂焚其二壘而右後正副中四營亦同時攻破西山觀僞前營副帥訾洪發老巢各壘相繼火起劉德謙軍在林埧村奮臂大呼勇氣百倍藍潮鼎自率其悍賊死黨拚死兇拒叅將文梅勝志槍首逆怒馬直前衝入賊陣

連刃三賊竟爲叢矛鑽刺十餘創登時陣亡叅將劉義成搶護不及而前右兩旂已同時赶到奮前猛擊藍逆知不可爲始勒馬退奔適見西山觀拋下火毬驚跌墜馬竟爲悍黨擁護而奔各軍分三路包圍追擊且殺且焚血流被野遂將林埧村青衣埧大小賊壘七十餘座悉數踏盡計殺斃燒斃之賊約四萬餘人奪獲馬匹器械旂幟不可數計追奔二十餘里直至龍門埧日已向西各將士饑疲已甚始於申刻收隊而還是役也賊既據險得地利其衆多於我軍六

七倍又渡安昌河爲背水之戰勢極危險使有挫敗則全軍舉屬可虞幸賴

天威式臨將士用命以克奏此大捷實非臣力所及

現聞藍逆餘黨竄往綿竹什邡彭縣一帶安縣

羅江各處竄擾之匪亦皆聞風遠遁川北所屬

已無賊踪差堪仰慰所有此次官軍大破藍逆

巨股川北業就肅清緣由理合會同成都將軍

署督臣崇實恭摺由驛馳

奏伏祈

皇上聖鑒訓示施行謹

奏

再臣前於初八十一等日探悉東嶽廟桑林垠之賊悉移踞西山觀青衣垠一帶即知該逆係圖併力死拒或被痛剿勢必西竄安縣縣竹慮復擾近省城什邡彭灌一路即於十二日預檄各軍如該逆被剿分竄則以果毅營由羅江截赴縣竹之筲箕灘以防旁竄彭縣之路以護軍營進扼縣竹城外以防旁竄什邡之路此兩軍均爲迎頭截擊之師以湘果營由畧平場截赴安縣顏佐才率黔勇隨後尾追此兩路均爲跟踪躡剿之師計圖蹙之於安縣之間前後夾攻

以淨餘孽并檄叅將尹士超率師埋伏於花街鎮界牌子一帶山林之中俟該逆敗竄經過突出狙擊當可殲滅大半詎意尹士超不遵調度飾稱現駐之皂角鋪地當衝要恐賊從此竄越難遽移營十四日該逆大敗狂竄果向界牌子花街鎮一帶逃走無兵攔截而果毅護軍湘果各營稟稱十五日須將陣亡受傷各弁勇妥爲安置並將搶獲之鎗礮軍械旂幟各項解存縣城囑署縣州唐炯派撥人夫運送軍火子藥料檢諸事期十六日五鼓拔營遵札分路兼程截

勦等語十七八日疊據探稟十五日傍晚湘果營差弁赴州署催派人夫唐炯方置酒宴客置之不理候至更初差弁與該署執事人役互相口角署內突出黔勇百餘人各持刀矛立將該弁等殺斃五名奪復閉城搜殺將解繳軍器及寄城養傷之勇殺斃三十九名帶傷者四十二人遊擊沈茂勝亦被割去左耳延今數日唐炯不將黔勇查辦抵償並不將被殺各弁勇屍首給還以致各營將士痛憤不平不肯拔營前進

臣查唐炯所帶守城黔勇素無紀律城中百姓

怨恨刺骨唐炯不能約束竟致殺斃楚勇多名藏匿屍首楚軍百戰餘生不死於賊而死於官宜其怨痛已極現聞藍逆竄匪已由縣竹縣箐箕灘竄越什邡彭灌一帶沿途自相驚譁言追兵且至輒復潰奔現在逃散甚多所存不過萬餘人分竄李家碾河壩子等處若不因此淹遲俾楚軍早得拔營擊剿則此股已經悉數殲滅乃尹士超不遵節制失機於前唐炯縱勇滋事阻撓於後均屬貽誤大局署縣州直隸州夔州府知府唐炯副將銜叅將尹士超應請

旨均行革職查辦以肅軍政而速戎機除先將唐炯
撤任並札飭按察司毛震壽赴縣查明辦理并
檄催湘果各營迅速兼程進剿外所有追剿遲
延緣由理合附片陳明伏祈

聖鑒訓示施行謹

奏



